



A N T O N I I
R I C C O B O N I


O R A T I O

IN OBITU M. MANTVAE BENAVIDII
CELEBERRIMI I. C.

Habita Patauui in Augustissimo Eremitarum
templo Prid. Non. Apr.
M. D. X X C I I,



PATAVII Apud Laurentium Pasquatum
M. D. L X X X I I,



ANTONII RICCOBONI ORATIO
in obitu M. Mantua Benavidii
celeberrimi I. C.



ST hominum communis opinio, neminem ante hoc tempus in hac ciuitate mortuum esse, qui, cum diu uixerit, diuturniori tamen, & magis perpetua uita dignus esse existimaretur, quam M. Mantua Benavidius; qui tres quidem, & nonaginta annos uixit: sed tantum decus, & ornamentum gymnasio Patauino, iuris peritorum collegio, uniuerſæ huic ciuitati afferebat, ut eum perpetuam uitam ducere omnes concupiscerent. Quantum autem fuit omnium studium in ciuem Patauinum præclarissimum, iurisconsultum summum, comitem, & equitem magnificentissimum: tantus luctus, ac mæror hac clarissima pompa funeris, atq. hoc nobilissimo hominum concursu est merito declaratus; tantaq; eloquentia requiritur in eo, qui eius præ

stantes, atq. eximias uirtutes in hoc honestissimo loco, & in hac maxima doctorum, iuuenum studiosorum, ciuium frequentia sit explicaturus. Quam dicendi uim, & copiam, cum fatear à me longe abesse; dii immortales, quid me miserius, aut laboriosius, aut afflictius fingi posset, qui præclaram uoluntatem uestram, Aud. ad M. Mantuam modis omnib. honorandum mirabiliter propensam mea, qui unus ex multis ad eum exornandum delectus sum, infantia impediturus esse uidear; nisi intelligerem, tametsi animus concideret, memoria exciderent omnia, prætermitterentur illa quàmplurima, quæ minime obscura sunt, quæ patent, quæ ad maximam eius laudem pertinent: satis tamen esse posse, ut in uniuersum dicam, omnium, qui fuerunt, qui sunt, qui erunt in hac antiqua, ac celebri urbe, & copiosa, atq. ad omnem laudem præstantissimis hominib. affluenti clarissimum fuisse M. Mantuam? Hoc potest sufficere, Aud. in hoc licet concludere

re orationem meam . Nam , quemadmodum singularia quidem , quæ sunt infinita, fieri non potest , ut scientia comprehendantur , quorum certe ratione & Socrates , et Democritus , & Anaxagoras, & Empedocles recte dixit, nihil perfecte sciri, & ipse Democritus affirmavit ueritatem in profundo demersam esse , & Arcefilas existimauit , nec illud quidem sciri , quod sibi exceperat Socrates ; uniuersalia uero, in quibus iubebat Plato sapientiæ studiosos conquiescere , ad scientiam accomodata sunt ; sic singulas quidem M. Mantuæ laudes nulla tanta ingenii facultas, nulla tam singularis industria, nullum tam acre studium , nulla tam accurata est diligentia , quæ non dicam exornare , sed enarrare pro dignitate possit ; in uniuersum uero maxima eius decora, atq; ornamenta cõplecti, cuiq; uel infantisimo licet; ut mihi quoque satis esse existimādū sit, si sūmatim dixerō, cū plurimi in hac urbe omnib. floruerint temporib. omni uirtute præstantes , M. Mantuam omnium

gloriam superasse: qui & ad patriæ suæ claritatem tuendam, atq. augendam natus esse diuino quodam consilio uidetur, et cum satis diu uixerit naturæ, satis diu gloriæ, satis diu quoque huic gymnasio, collegio, ciuitati, diuinitus in cælum penetrauit; ut quàm nobis notum, atq. exploratum esse debet, diuina providentia omnia fieri, tam recreari, ac refici in communi omnium mœrore nos deceat. Is enim, qui hanc rerum universitatem architectatus, & fabricatus est, Deus, cum omnia intelligat, & omnia uideat, omnia etiam procurat, & moderatur, omnia regit, & gubernat; neq; solum per secundas causas globos cœlestes impellit, quorum concursionem modo Fati, modo Fortune nomine Plato significauit: uerum etiam animos hominum afflat; unde ars contemplandi proficiscitur, unde ars agendi originem habet, unde tantum & naturæ, & doctrinæ lumen in M. Mantuam profluxit, quantum homini desiderare fas est. Nam, quod idem Plato memoriæ mandauit, præ-

potentem Iouem per alios sibi subiectos deos animalia omnia ex elementis procreasse, per bonos autem daemones, quos recentiores Theologi Angelos nuncuparunt, ipsa animalia reb. omnibus ad uitam necessariis instruxisse, ita ut Prometheus, qui significat superiorum daemonum ordinem, homines illustrarit, & Epimetheus, qui inferiores daemones representat, belluas exornarit; hoc figmento uoluit diuinus philosophus denotare nihil mea quidem sententia aliud, nisi illam Dei procurationem, quae M. Mantuam diuino mentis lumine collustrauit, iisq; corporis uiribus adornauit, ut ad extremam senectutem bene ualens, atq; indolens potuerit peruenire. Neq; uero obscurum est, hunc ipsum omnium grauisimum philosophum triplicem diuinam providentiam cognouisse, unam uniuersalem, alteram minus uniuersalem, tertiam singularem. Prima enim summo Deo tribuitur, qui omnia prospicit, omnia praebet, nihil ut sit toto caelo, terra, mari, quod eius ipsius nutu non

feratur, ut idem dederit, idem abstulerit M.
Mantuanam Deus, cui uelle obsistere super
uacaneum, in quo nolle acquiescere, stultum est. Altera in aliis mentibus caelestibus.
constituitur, quae singula non omnia simul
munera omnibus, sed quaedam afferre consueuerunt; quemadmodum M. Mantuae
Saturnus praestitit admirabilem iuris Caesaris, ac Pontificii intelligentiam, Iupiter
singularem agendi uirtutem, Mars animum
in disputando ardorem, Sol clarissimam
opinandi in legum studio facultatem, Venus
honestissimi cuiusque desiderii motum, Luna
corporis ad labores, & uigilias idonei
optimam naturam. Tertia pertinet ad
bonos demones, qui quaedam quibusdam
subministrant, & sedem, ac domicilium
habent partim in igne, partim in aere puro,
partim in aere crasso; ita ut primi conuertant
intelligendi facultatem ad diuina, & humana
omnia contemplanda, & praesint uitae, quae
uersatur in contemplan-do: alteri faueant
irascendi facultati, & regant

regant uitam, quæ posita est in agendo : tertii moueant uim concupiscendi, & dirigant homines ad hœstas uoluptates. Primi igitur boni demones M. Mantuam aptissimum ad omnem iuris diuini, & humani contemplationem: alteri uehementissimum in utroque iure disputatorem: tertii minime auarum iurisconsultum reddiderunt. Itaque fuit ipse oïum, qui in hac urbe unq̃ fuerūt, aut futuri sūt, doctorū diuinis munerib. ornatissimus. Neq̃ enim tam admirabilis, ac diuina ingenii præstantia aliunde emanasse, nisi à Deo uidetur; qui cum omnino esse communi opinione omnib. hominib. innata, & in animis hominum quasi exculpta compariatur; quemadmodum hanc mundi fabricam confecit, quod nobis persuadet Sol, Luna, sydera omnia, cæli, & signorum ortus, uicissitudines rerum, atq̃ ordines, aliaq̃ admirabilia, quæ non nisi præpotenti Dei manu confici potuisse putandum est: sic paruum mundum, qui uocatur homo, ita fabricauit, ut in eo diuina mul-

ta appareant; sicut etiam in huius præexcellentissimi uiri animo diuinitus fulsit tum memoria, & ea infinita rerum innumerebilibus, quam propriam esse iurisconsultorum doctissimi homines censuerunt, tum in difficillimis quaestionibus inuentio, atq; excogitatio ueritatis, tum grauis, plenaq; legum doctrina, tum profluens quaedam elocutio, abundans idoneis uerbis, accommodatisq. sententiis, tum alia quàm plurima, quae non sine cœlesti aliquo mentis instinctu, nec sine Deo existere potuerunt. Quamobrem cum falsissimum sit illud, quod nonnulli impii philosophi existimarunt, eum, qui potest, ac sciat, nolle rerum uniuersitatem gubernare, eumq; qui facere etiam res minimas grauatus non sit, earum negligere gubernationem; & cui facilis fuit rerum procreatio, ei difficilem esse procurationem; quiq; omnium accuratissimus sit, eum tardiores esse ipsa natura, ipsaq. arte, quae res omnes tum magnas, tum paruas curant, ac partium ue-

nistatē ad totius pulchritudinē disponūt:
profecto bona omnia diuinæ providentiæ ac
cepta sunt referenda, ac pro comperto habē
dum, hunc perillustrem, ac percelebrem
iurisconsultum sine diuino ingenio, & sine
diuina impulsione tam mirabiliter excellere
in præclaro legum studio non potuisse.

Qua maximi uiri exornatione in uniuersum
habita contentus esse statueram: sed cum uos
uideam tam benigno, & attento animo ea
omnia, quæ dico, audire, tametsi nihil affer
re possim, quod uobis nouum sit, aut antea
inauditum: tamen in tam iucunda uobis cla
rissimi Doctoris commemoratione non desi
nam amplissimum singularum, & singula
rium eius laudum campum aliquantis per
ingredi, deq; ipsius reb. gestis prope innumera
bilib. tres præcipuas attingere. Non enim mi
hi consilium accidit antiquissimam, ac præ
stantissimam urbem Patavium eius patriam
nec gentium quidem principi Romæ originis
uetustate, & ciuium præstantia concedentem
in hac temporis angustia oratione celebrare

cuius nobilitas , & claritas ita à ueteribus
scriptorib. expressa est , ita suorum scripto-
rum excellentia, iurisperitorum , philoso-
phorum, medicorum, oratorum , poetarum,
historicorum , omnis generis litteratorum
hominum gloria , conseruata, atq. adeo e-
tiam amplificata est, ut nullis testimoniis ,
nullisq. laudib. egere amplius uideatur; quā
multis reb. admirabilem esse, cæli, fontium,
fluminumq. in omnes partes nauigabilium
amœnitate, atq. opportunitate, agrorum uber-
tate, collium amœnissimorum uarietate , ma-
ris uicinitate, nemo est , qui hic adsit , qui
non optime nouerit; ut plurimis iis , quæ de
hac generosissima urbe dici possent , præter-
missis illud dicere satis sit , natum esse M.
Mantuanum in urbe Patauio, in qua præstan-
tissimi, & altissima quadam mente præditi
homines nasci, atq. honestissime educari con-
sueuerunt; & in ea maiores omnes dignita-
tes singulari sapientia gessisse; ac pro ea etiā
honestissimo legationis munere functum esse
tunc cum Francisco Donato Serenissimo

Venetiarum Principi nomine publico Principatus dignitatem admirabili eloquentia est gratulatus. Nec statui in nobili eius familia exornanda, & nobilibus uiris, qui in ea floruerunt, commemorandis uersari; non solum, ne sim longior, quàm locus, & ratio temporis postulet: uerum etiam ne propriae eius laudes, quae plurimae, ac innumerabiles occurrunt, mihi deesse ad dicendum uideantur. Quamobrem, ut cœperam dicere, tria potissimum in memoriam uestram reuoco, & uobis considerata, atq. admiranda propono, primum quae munera sane egregia, & praeclara in hoc celeberrimo gymnasio sexaginta annorum spatio obiuerit: deinde uero quib. dignitatibus propter singularem animi, atq. ingenii sui praestantiam ornatus fuerit: postremo quantopere esse utilis legum studiosis multorum etiam librorum, & uoluminum conscriptione, atq. editione studuerit, & conatus sit; ex quibus apparere facillime potest, eum mirabiliter floruisse, in summo honore uixisse, sibi nominis immortalitatem

quotidianis laboribus atq. assiduīs uigiis
comparasse, maxime dignum fuisse, qui maxi-
marum, & clarissimarum uirtutum splen-
dore in cœlum euolaret. Etenim parente na-
tus Petro Mantua, Medico celebri, &
uiro probo, post earum artium studium,
quæ ad Humanitatem pertinent, quib. sem-
per est mirabiliter delectatus, cum ad utrūq.
ius Cæsareum, & Pontificium animum
appulisset, breui temporis spatio in eo ita ex-
cellere existimatus est, ut facillimum ei fue-
rit, non solum Doctoris insignia consequi
atque annorum unius, & uiginti, & in iuris
consultorum collegium cooptari, ingenti ap-
plausu, & laetitia bonorum; non solum cum
magna sua laude adhiberi ad criminū caus-
sas pertractandas, et defendendas, in qui-
bus excellentem gloriam adeptus est: eamq.
eloquentiam adhibuit, ut non nullis quoq.
ad summum supplicium damnatis pepererit
uitæ incolumitatem: uerum etiam ad di-
gnitatem extolli ius ipsum publice interpre-
tandi. Hic non dicam, quos studiosorum

concurſus habuerit ita, ut referta eius ſchola
auditoribus facile aliarum ſcholarum, &
aliorum doctorum eadem hora profitentium
ſubſellia nudarentur; quantas admiratione-
nes, quantos applauſus, quanta ſuarum lau-
dum præconia, cum leges interpretaretur,
excitavit; quos progreſſus, & curſus fece-
rit ad celebrem famam, cum eum præcepto
rem habere ſexaginta annorum ſpatio ſibi
glorioſum duxerint ex omnibus gentibus, &
nationibus tot legum ſtudioſi, tot viri illu-
ſtres, tot Epifcopi, tot Cardinales, in qui-
bus etiã fuit is, qui poſtea factus eſt S. R. E.
Illuſtriſſimus Cardinalis, Tridentinus &
Illuſtriſſimus Cardinalis Caraffa, & alii
clarisſimis dignitatib. præfulgentes, quos
omnes enumerare, & nominare longiſſimum
eſſet. Tantum non tacebo ſingulari omnium
iuris utriusq. ſtudioſorum, qui eum audire
potuerunt, utilitate, ac prope incredibili audi-
torum concurſu, attentione, admiratione,
Illuſtriſſimi Senatus Veneti decreto in hoc
præclarisſimo gymnaſio interpretem fuiſſe;

primum Institutionum Iustiniani Imperatoris cum eiusdem muneris collega praestantissimo Nicolao Ianotio Patauino, eo, quem Serenissimus Urbini Dux consiliarium, & religiosissimus Foroliviensis Episcopus parentem habuit: deinde sexti voluminis iuris Canonici cum Ludouico Gometio Hispano, eo, qui Romae fuit postea, ut appellant, Rotae Auditor, cuiusq. monumenta extant litterarum praeclarissima: praeterea iuris civilis cum Vincentio Dallochio Bononiensi, & Aloysio Descaltio Patuino, egregiis iurisconsultis: inde iuris canonici cum Baldassare Cardutio Florentino, eoq. ex hac urbe profecto, cum Bernardino Claricino Bononiensi utroq. doctore eximio: rursus iuris civilis cum Francisco Curtio Papiensi, viro excellentissimo, cum Io. Antonio Rubeo Alexandrino legum explicatore clarissimo, cum Hieronymo Cagnolo Vercellensi, interprete subtilissimo, cum Tiberio Deciano Utinensi, summo legum magistro, ac prope deo: rursus iuris canonici
stipendii

Stipendii loco habens octingentos, ut uocāt, Florenos, id est maius oīno p̄m̄ium, q̄ alii unq̄ huius gymnasii Doctores in iure canonico interpretando habuisse feruntur. Quo tēporis spat̄io, ut omittā maximum eorum numerum, qui ab eo Doct̄oris insignia in celeberrimo iuris consultorum collegio accipere uoluerunt; ut taceam admirabilem eorum frequentiā, qui eum tamq̄ alterum Apollinem de rebus grauisissimis consuluerunt; ingentes diuitias honestissime comparauit, ut sexaginta annis plusquā sexaginta millia scutatorum, dico iterum, scutatorum plusquā sexaginta millia lucratus esse comperiatur. O singularem hominis industriam, unde magnificentissimae aedes, unde locupletissimum museum, antiquis signis, & operibus ex ipsa antiquitate petitis, ac rebus preciosis refertissimum, unde horti amoenissimi, unde egregia in pauperes liberalitas, quibus eum fuisse magnificentissimum etiam parietes huius templi ab eo propter uicinitatem frequentati testari uidentur, unde alia decora, & ornamenta proficisci potuerunt. Ite uos, qui philosophiam iuris

studio ea cōtentione āteponitis, ut iuris consul-
tos à philosophis disiungatis, quasi inter oēs fa-
cultates libero hīne dignas inenodabile foedus
non sit, ac legum disciplina non habeatur eius
philosophiæ, quæ in agendo uersatur, pars nobi-
lissima, & ut Aristotelis uoce utar, archite-
ctonica; ite, īquā, & philosophorum lucrum cū
iurisconsultorum honestissimo lucro conferte;
ac tādē aliquando iuris magnificentia cum
philosophiæ inopia comparata desinite nobis
(meam. n. simul causam ago) maledicere, nec
propter leguleios aliquos, propter corruptam
in aliquibus legum disciplinam, propter bar-
bariem à recentioribus in iuris prudentiam,
quemadmodum etiā in philosophiæ studium
inuectam diuinam legum maiestatem lede-
re nolitis. Partis igitur excellenti doctri-
na summis M. Mantua opib. inter alia
multa, quæ magnificentissime confecit, suum,
ut modo dicebam, musæum mirabiliter ador-
navit, ita ut etiam in summis principibus
prope incredibilem eius emendi excitarit cu-
piditatem, & præcipue in Galliae Rege Chri-
stianissimo, cuius nomine Gallis quibusdam

nobilissimis ipsum emere cupientibus, etiam
me presente, audiente, & rem uerbis illo-
rum procurante, non se uenditurum eiusmo-
di museum tanto Regi, sed donaturum pro-
fessus est. quod negotiū ut cum praestanti eius
dignitate tractatum: sic illis Regis sui man-
data transgredi recusantibus non sine ma-
gna gratiarum actione dissolutum est. Hac
tanta celebritate famae nullum erat publi-
cum gymnasium, nulla gens, & natio, quæ
eum summopere non expeteret; immo &
ipsa gentium, ac nationum omnium princeps.
Roma ipsum ad dignitates suas inuitauit.
Neq. enim solum nobilissimi Bononienses
honestissima, atq. amplissima præmia ei pro-
posuerunt, ut in suum clarissimum gymna-
sium eum adducerent; non solum magnus
Rex Lusitaniæ eundem accersendum cura-
uit: uerum etiam Paullus iii. Pontifex Ma-
ximus, & sapientissimus inter Rotæ audi-
tores habere concupiuit; qui tamen, ut gra-
tissimum animum Venetis principibus, à qui-
bus fuerat ornatus, ostenderet, patriamq;
suā, qua nihil unquā charius habuit, deserere

ne uideretur, huius gymnasii splendorem ceteris dignitatibus & commodis, quamuis maximis, & plurimis, anteposuit. In quo gymnasio tandē, tamq̃ miles emeritus, interpretis locū, quē supraordinariū nomināt, cū facultate uel p̃fitēdi, uel nō p̃fitēdi arbitrio suo, nouo inter Patauinos ciues exēplo, est cōsecutus; cumq̃ ex diuturno sexaginta annorum, quibus professus est, spatio ter comes palatinus haberi posset (singulos enim triginta annos ius tribuere Comitibus Palatini notum est) tamen etiam comes, & eques amplissimis privilegiis à summis Principib. est factus, & declaratus; primum à Carolo V. maximo Imperatore āno Christi millesimo quingentesimo quadragesimo quinto: deinde à Ferdinando, maximo item Imperatore anno millesimo quingentesimo sexagesimo primo: demum à Pio III. maximo Pontifice, anno millesimo quingētesimo sexagesimo quarto; tantāq̃ auctoritatem adeptus est, ut multi etiam principes eum uisere non dubitarint; & eo ipso anno, quem sanctum appellant, cum in extrema etate non sine ingenti periculo Romam

proficisci pōsse uideretur, Gregorius Xiii. Pō
tifex summus diuinum beneficium ei sponte
impertitus sit, ita ut ipsum haberet, perinde
ac si ipse Roma adesse potuisset. ò uirum uel
summis p̄cipibus gratiosissimū, uere dignū,
qui sexies comes, & eques, ter ex iure, ter uero
etiam ex Principū factō haberetur. Taceo q̄
plurimos illos, qui Doctoris in iure canonico
ornamēta priuatim ab eo, t̄quā ab illustrissi
mo Comite, & magnificentissimo Equite de
sumpserūt. Taceo alia consulo, quòd certos
mihi terminos praescripserim, quòdq; cū de
uariis interpretandi muneribus, deq; uariis
dignitatibus M. Mantuae iam dixerim, ter
tium, quod mihi proposueram, nunc breuiter
cōplecti debeā, ut uobis strictim exponā, quan
tos labores, quantasq; uir nunquā defessus ui
galias susceperit in multis operibus conficien
dis, & libris, ac uoluminibus conscribendis.
Quorum editorum, & edendorum numerus,
& magnitudo ea est, ut eum publice occupa
tum potuisse t̄ multa scribere uix uerisimile
esse uideatur. Quod .n. de M. Terentio Var
rone dictum est, idem dici de M. Mātua Be

nauidio potest, eum tam multa legisse, ut ei uacasse aliquid scribere, mirum sit; eum tam multa scripsisse, q̃ multa uix quenuquam potuisse legere, credendū sit. Et quis q̃ erit, qui honestissimum tot, t̃ātorumq̃ operum conatū, ac flagrantissimum iuuandi praeclara litterarū studia desiderium reprehēdere audeat, & non potius magnis laudibus efferat? Quid p̃ferā uariorum operum inscriptiones, uarios tū in ius Caesareum, tum in Pontificium commentarios, Collectanea, Consilia, Scholia, Apophthegmata, Problemata, Dialogos, Enchiridia, Epitomas, Centurias, Orationes, Epistolas, & id genus alia q̃ plurima. partī edita, partī edēda, quae uix enumerari, nedum singillatim exornari possunt? Quamobrē Benauidiū propter imortales aīmi uirtutes imortali corpore dignū fuisse, cōstās hominum est opinio: sed id, Aud. ēt si in quibusdā esse optabile arbitramur, humana tamen cōditio nō patitur. Natus est. n. homo, praeclaram aīma, plenum rationis, plenum consilii, qui caeteris omnib. animātib. īperaret, oēs terrae partes p̃lustraret, oīa maria nauigaret, innumerabiles rerum

formas, quæ in his elementis oriuntur, cognosce-
ret, in cælum usq. cogitatione, & cōtemplatione
penetraret: ea tamen cōditione, ea lege, ut more-
retur. Quòd si in hac uita ìmortales effemus,
quid nobis miserius, ac calamitosius fingi pos-
set, quos perpetui huius ipsius uita fluctus,
& turbines agitent, continui animorum er-
rores, immo terrores, continuæ p̄turbationes,
immo euersiones opprimerent, assidua mala,
& incommoda conflictarēt? At erat Benau-
dius huius ciuitatis splendor, quo extincto nō
possunt oēs nō ualde dolere. Laudo Aud. laudo
hanc uestrā in uirū clarissimū animorū pro-
pensionē, uel potius pietatē; neq; hunc cōmu-
nē mœrorē ullo modo improbo, quòd nō ferrei,
nō saxei, nō ex quercu, nō ex silice nati simus:
sed illud unū contēdo, in diuina uoluntate esse
tandem acquiescendum; dolorem nostrum
ìmortali huius uiri gloria leniendū, qui satis
diu publicū interpretandi munus obiuit, satis
diu huius uita honoribus p̄frui uisus est, satis
diu in litterarū monumētis cōponēdis labora-
uit, & uigilauit, ut nominis immortalitatē cō-
pararet; dolore deposito egregias eius uirtutes

imitādas; ipsius memoriā beneuolētia colēdā
sempiterna; eiusdē propinquos cōsolādos, q̄
ipse satis multos ānos uixerit, qui fuerunt, ut
initio dicebā, tres, & nonaginta, quōd christia
nis sime mortuus sit, ita ut in cœlīs sine dubio
ascēdisse existimetur, quōd eius clarissimum
nomē nulla unq̄ obscuratura sit obliuio, q̄
ipsius laudes prædicēt oēs, ipsū omnes magna
ueneratione colāt; ipsi tamq̄ cuidā deo quasi
sacra faciant, & animos cōsecrent. Id quod
ego quoq. cum ceteris facio, atq. ita facio, ut
cū clara etiā diuini numinis, quod ī hoc augu
stissimo templo sanctissime ueneramur, con
testatione pollicear, me semp̄ter eos, qui M.
Mantua Benavidii, cuius Patavini omniū
maximi, iurisconsulti oīum clarissimi, comi
tis, & equitis oīum illustrissimi, & magnificē
tissimi, laudes celebrabunt, appetiturum esse
principatum.

F I N I S.

Cum Licentia Superiorum.

